

Mesiras per la selvaschina en situaziuns d'urgenza

Per la selvaschina en situaziuns d'urgenza extraordinarias po l'uffizi da chatscha e pestga prender ulteriuras mesiras en il futur. La regenza grischuna ha mess en vigur ina revisiun correspondententa da l'ordinaziun da chatscha e da l'ordinaziun davart la tgira da la selvaschina.

Da nov po l'uffizi da chatscha e pestga scumandar per exempel da penetrar en ils quartiers da la selvaschina u relaschar scumonds da charrar. Medemamain po el ordinar l'obligaziun da tegnair chauns a la tschinta e prender ulteriuras mesiras per proteger la selvaschina

da disturbis. Questas mesiras ston vegnir limitadas localmain e temporarmain. La finala po il chantun pajer en l'avegnir contribuziuns als custs dal pavel.

Gia l'onn passà – suenter il dir enviern 2008/2009 – aveva il chantun cumpletta ils concepts da tgira regiunals existents cun in chapitel che cuntegneva mesiras d'urgenza. Grazia ad acziuns coordinadas da la pavlada d'enviern survegn uschia la selvaschina en situaziuns d'urgenza pussaivladads da distgargia ch'èn mintgamai accordadas als basegns respectivs. Sias schanzas da survivor s'augmentan.



Grazia ad acziuns coordinadas da la pavlada d'enviern vegnan las schanzas da survivor da la selvaschina augmentadas.